

## 22-GODIŠNJAKU PONUĐENO DA PRODA SVOJ GLAS ZA 100 KM DOK JE SJEDIO U KAFIĆU SA PRIJATELJEM NA KAFI

### Kafa sa drugom i tajanstvena razmjena ličnih dokumenata

22-godišnji mladić se pred izbore 2022. godine našao u neočekivanoj situaciji tokom neobaveznog izlaska na kafu s prijateljem. Dok su uživali u kafi, prišao im je njemu nepoznat čovjek, a prijatelj mu je, na njegovo iznenađenje, dao ličnu kartu. Zbunjeno je posmatrao kako stranac fotografiše ličnu kartu svojim telefonom prije nego što ju je vratio njegovom prijatelju.

### Neočekivana ponuda

Nepoznat čovjek tada sjeda sa njima na kafu i nakon desetak minuta razgovora, obratio mu se sa iznenađujućom ponudom - 100 KM u zamjenu za glas za tačno određenog kandidata stranke za kojeg će glasati i njegov prijatelj. Uprkos pristojnom odbijanju, nepoznat čovjek je ustrajao, pokušavajući ga uvjeriti isticanjem finansijske dobiti i spominjući da i njegovi drugovi isto rade.

### Čvrsti otpor

Ipak, 22-godišnji mladić je odlučno odbio ponudu tvrdeći da nema namjeru izaći da glasa na izborima. Izabrao je lakši put da zaobiđe daljnje nagovaranje na prodaju glasa, iako je zapravo izašao na izbore te godine.

## Ponovno nagovaranje na prodaju glasa

Iako je mladić vjerovao da je cijela priča sa prodajom glasa završena kada je i završena kafa sa njegovim prijateljem. Nakon toga prijatelj mu je rekao kako ga nepoznati čovjek pita da ponovno razmotri njegov prijedlog i da vidi može li angažovati nekog od svojih poznanika koji bi glasali u zamjenu za novac. Mladić kojem je situacija bila neugodna, jasno je dao do znanja da želi izbjeći bilo kakvu daljnju raspravu o tome.